

四庫全書

集部

欽定四庫全書

集部

竹澗集卷二

詳校官中書<sub>臣</sub>孫溶

中書<sub>臣</sub>劉源溥覆勘

總校官知縣<sub>臣</sub>楊懋珩

校對官助教<sub>臣</sub>胡予襄

謄錄監生<sub>臣</sub>翟灝

欽定四庫全書

集部六

竹澗集

別集類五

明

提要

臣等謹案竹澗集八卷竹澗奏議四卷明

潘希曾撰希曾字仲魯金華人弘治壬戌進  
士官至兵部左侍郎卒贈尚書其文集首載  
詩四卷次文四卷次奏議四卷末附錄墓志  
小傳等篇希曾官兵科給事中時奏奪太監

汪直義男官爵復因災異陳八事皆直指近  
倖及奉使湖廣二省計處邊儲又以不賂劉  
瑾矯旨下獄拷掠除名瑾誅起官復抗疏爭  
太素殿天鵝房諸役今觀前後所上章奏語  
皆剴切真摯不為粉飾而深中事理平生雖  
不以詩文得名而氣體浩瀚沛然有餘亦復  
具有矩矱非淺中飾貌者可比希曾治河績  
最著傳稱別有治河錄今已不傳而集中修

築沛單長堤諸疏其措置規模猶見一二是  
固可與明史河渠志互相參考也黃虞稷千  
頃堂書目載希曾集其目與此本悉合乃嘉  
靖末長洲黃省曾所校刊云乾隆四十四年  
九月恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

竹澗集卷一

明 潘希曾 撰

古今詩一百十六首

池上即事

避石斜開徑臨池小作堂竹陰隨杖履荷氣襲衣裳迥  
覺紅塵隔寧知白日忙一觴還一詠此樂詎能忘

送劉掌教中和山西校文

月窟秋香近山程暑雨踈諸生瞻使節內府待賢書鑒  
出驪黃外心傳衣鉢餘晉陽稱自古多士近何如

病中偶述

閉戶東風又一春竹陰庭院靜無塵花枝開好能撩我  
燕子來頻不避人與酒絕交偏寂寞作詩為計有吟呻  
病餘筋力難為禮拄杖人前自亦嗔

早春聞鳥

庭樹朝來好鳥鳴似聞相喚不知名神機妙處應須玩

昨夜春雷送一聲

喜雨

亢陽當午天欲赤霹靂墮地坤隅圻樓頭颯然風雨來  
席捲萬瓦飛黃埃初如絲紛忽如注河翻海立蛟龍怒  
一洗燁熱清八極頓令枯槁回顏色東園青可蒞南畝  
足我糈蟲鳥相和鳴花竹秀以舒吁嗟物我將無同炎  
涼燥濕苦樂之感相流通向來困憊一時起渴心灌溉  
生歡喜乃知茫茫大造非小兒陰陽推奪故應爾雨餘

更愛暮天碧月華滿院涼於水

題仲兄書齋

先生志在當世者歲脩暫結青山社芳園半畝屋數椽  
月戶風簷共瀟灑閉門却掃門更深抱膝時作南陽吟  
緗帙堆窗自披覽古琴掛壁誰知音愛花不與花爭地  
紅白盈堦闢明媚拂天脩竹起秋聲捲露芭蕉滴晴翠  
坐我終日忘我疲况是兄弟相怡怡清談小笑恣幽賞  
不數對牀風雨時笑談未了林月出欲去還留興逾逸

及此清光夜未央題詩素壁傳他日

樗林散人為嚴處士賦

散木豈無用散人何可羈樹來廣莫野看到逍遙時朝  
市甘拋棄煙霞足護持高風千載上誰嗣考槃詩

甲子除夜

歲除那可守聊坐小堂寒椒酒春先到梅花興未闌三  
旬明忽滿幾刻夜將殘泰運回天地清愁謾自寬

遊虎丘寺

紅塵久礙登山屐綠水今來載酒船  
塔頂風淒催客飲  
佛前燈暗照僧禪烟霞滿目聊延佇  
名姓逢人莫浪傳  
寺石不須重試劔倚天千尺在吟邊

曉舟漫興

溽暑逾三伏新涼生五更  
卧便衾布薄起覺帽紗輕  
樹擁孤村秀霞橫極浦明  
官舟兩月路今日渴心清

訪王主政秉衡不值仍小候

下馬款門門正闔主人辰出酉未還  
三年見我兒童喜

一鳥啼春院落閒竹所徑來元不俗剡溪乘興未容慳  
斜陽滿地看輝盡更待花稍月一彎

送董內翰文玉歸娶

鄉闈識我同升日翰苑逢君及第時青鏡朱顏年獨妙  
蟾宮仙侶喜相期班衣著錦光生國玉樹臨風潤照楣  
此去西湖梅正發好憑征客寄南枝

湘東曾生隨兄山海關俄歸省親贈此

關海連宵雨湘江萬里雲離情與歸思春絮正紛紛

經筵侍班

便殿春和闕講筵叨陪法從五雲邊迎風縹緲爐煙細  
映日徘徊寶扇圓鷄舌含香承旨近雉膏推食荷恩偏  
緝熙聖學微臣願供奉朝朝力未愆

小齋遣興

窓畔然香枕畔書小齋無事日長初冥心似欲迷莊蝶  
刮目猶堪校魯魚役役浮生聊自遣悠悠終古竟何如  
重門在告經旬閉一任傍人笑索居

送魯內翰振之使安南

妙選出瀛洲乾坤此勝遊  
節辭金殿曉詔下珥江  
秋日月開王政文章炳  
帝猷過門江漢路戲綵  
一停舟

賦秋海棠次馬中舍文明韻

自是東風第一流不隨桃李弄春柔  
駐顏誰與傳丹訣傾國天留艷素秋  
清極傳霜肌不粟睡來侵月影還幽  
沉香亭畔如曾見莫道楊妃得與儔

送陳經府廷盛之河間

少年文采動時髦老去功名信所遭千里不須嗟驥攄  
一官聊復試牛刀行經易水秋風冷吟對瀛臺海月高  
兩地相望俱是客緬思鄉社共松醪

丁卯春苦雪次陶掌科世和韻

頑陰春不退急雪日爭飛竟夕明通牖乘風暗入幃不  
成宜麥瑞空假却蝗威漫擁袁安戶偏沾東郭衣燮調  
吾道拙斟唱此心違挾纊何當喜重裘幸免譏耽詩應  
益瘦多病故難肥擬訂梅花約山陰訪釣磯

書懷次李內翰宗易韻

兩月東風凍未除，手皴非乏豹為祛。  
江鄉舊社思浮蟻，賓館流年愧食魚。  
夢逐盧生成底事，方抄陸氏有新書。  
瀛洲仙侶勞相念，幾度詩來伏枕餘。

岸柳二首

岸柳綠絲絲，春風不斷吹。  
昨來誰此別，留得折殘枝。  
湖上綠烟絲，迎風不自持。  
別離無意管，解鬪好腰肢。  
安山閘與薛掌科子純陳侍御廷祿酌柳下

柳岸追涼偶共來一罇分坐綠陰隈  
歌聲欲徹雲中去望眼真從天際回  
客路光陰三日阻詩家花鳥二公裁  
安山此集成佳會莫訝河枯閤未開

南旺夜酌呈薛掌科

月色波光滿畫船一罇相對且留連  
與君萬里歸來日却憶今宵作去年

夜抵沛縣懷沽頭章水部以道

孤舟盡日柳邊撐尚隔煙波十里程  
篷底一燈聽雨落

枕邊三鼓盼天明笑談可待還當別身世無憑忽自驚  
欲假詩筒報消息曲江幽夢恐先成

曉發清河

破曉發孤艇春和風不驚推篷煙樹濕盪漿浪花明野  
色入淮迥河流帶濟清江湖萬里去獨抱古人情

京口即事

行盡東風愛日長京江風日似錢塘望知酒旆心先醉  
吟對花枝句亦香浪裏金山妨短屐雲邊鐵瓮倚危檣

長安到此三千里更擬揚舠過楚湘

過玉山書懷

一別長安路五千幾回雲裏望青天山從絕頂朝驅馬  
水向高原夜放船蒲艾漸香臨午日風霜飽歷任流年  
本來帶得煙霞疾歌入滄浪意惘然

湖上叟

夕陽湖上叟短褐意悠哉放犢看兒戲打魚携婦來茅  
簷和土覆竹牖傍雲開萬里懷鄉客行歌首重回

南昌道中

客子去何適  
鳩聲斷復啼  
陰晴五月半  
天地大江西  
水遠湘流合  
山重嶺嶠迷  
向來孤矢意  
不敢憚航梯

客夜獨酌

為客有長夜  
出門無故人  
多情千里月  
送此一杯春  
大夢難醒世  
虛舟不定身  
頽然倚篷底  
猶自憶垂綸

夏夜

夏夜苦暄濁  
散步青山岡  
顧瞻閨無人  
明月流清光  
繫

舟楊柳根移牀松桂傍默默坐復起仰天夜未央咄此  
萬里身顧影徒彷徨水蛙聒靡厭草蟲鳴暗傷蛙蟲詎  
足恠蛇虺未可量銀河淡欲沒露下涼沾裳且復歸我  
舟濯足臨滄浪

題袁州分司壁

槐陰栢影几屏間倒映池盆石假山深院無塵人罕到  
蒼苔有跡鳥初還薰風幸解吾民愠客子聊乘此日閒  
向晚詩成誰和者粉牆題處墨斑斑

萍鄉馬上

山銜斜日澹餘暉  
匹馬迢迢歷翠微  
雨過不知三伏在  
風來那得一塵飛  
春殘水碓香粳熟  
灌足溪田老芋肥  
物色滿前吟未已  
又逢橫笛牧童歸

泊湘東

殘暑侵陵困未蘇  
短篷閒倚欲長吁  
不聞更漏憐村僻  
漸轉星河見夜徂  
萬里瀟湘梧葉落  
百年天地野航孤  
思尊賸有秋風興  
未卜歸途是坦途

時虞逆  
瑾見害

湘潭慶霞寺

野寺捫蘿入荒涼歲月深偶尋避暑處一洗入禪心共  
坐僧閒語眠聽鳥細吟出門仍理棹落日半川陰

長沙秋日

六月長沙早見秋涼風吹雨暮颼颼不憂卑濕能為患  
稍喜炎蒸欲解讎賈傅廟荒侵薜荔屈原沙冷叫鉤輈  
南來未覺江湖遠對此令人動別愁

長沙分司竹桂橘三植皆南州高品感而有作

三首

兩竿蒼玉何年植  
瀟洒當軒伴寂寥  
終日看來吟不足  
有時倚處醉微銷  
影垂月下湘君佩  
聲咽風前秦女簫  
彷彿故園池上見  
不知身在五湖遙

搖落方同楚客傷  
崢嶸一樹好秋光  
誰從月窟移仙種  
獨把天香殿衆芳  
玉露濯枝叢淺碧  
金丹點蕊破輕黃  
廣寒記得曾攀折  
屈指于今已十霜

青青江橘映秋堂  
浥露含風亦自香  
行處尋常供獨玩

霜前三百莫輕嘗風流雅稱離騷頌品味珍收本草方  
寄語湘靈須愛護待充包貢入明光

山行柬劉侍御克溫

兩日山行罷詠詩不知詩句賸相隨曉鴻摩月悲鳴處  
秋葉吟風欲墮時萬里羊腸諸客況百年犬齒敢吾私  
聯鑣幸有劉公幹倡和時時妙色絲

龍陽道中

山城百里道多半在岩堯岫濕含雲氣崖香長藥苗野

田荒作路古木仆為橋日暮西風急吟蟬抱葉飄

早行

早行乘月晚乘風殘暑無煩苦若翁萬里邊關羸馬底  
一秋光景亂蟬中長安北望雲何極衡岳南來鴈不通  
獨有寸心堪百鍊乾坤隨處是幃幃

澧州次李僉憲士脩韻二首

下馬西風鬢有沙偶同尊酒話通家春風二十一回夢

幾見錦官城外花

李蜀人子幼  
隨宦其地

每嗟雲樹隔江天，目斷西山舊雪巔。  
忽漫相逢又成別，秋燈挑盡雨連綿。

登澧州喜晴柬劉侍御

十日秋陰乍放晴，又隨驄馬出孤城。  
林霏滴翠時沾濕，花氣浮香遠送迎。  
輦陌正宜聯轡語，好山都作覓詩行。  
村田處處逢收穫，不用銜盃意已傾。

石門道中

烟霧冥濛匝四山，紫駟馱我畫圖間。  
不妨終歲長為客，

纔到吟詩便屬閒  
沉海魚書無夢想  
穿雲鳥道有躋攀  
折衝久佩宣尼訓  
敢訝行邊漸入蠻

石門縣

路盡石為門  
門中綠樹村  
山密當城郭  
風俗自乾坤  
水接桃源派  
人通洞獠言  
晚厨供石鯽  
為倒菊花樽

慈利縣

古崇山地

百里慈陽地  
巉巖半不毛  
天垂南裔盡  
山插北辰高  
種粟惟便火  
耕崖祇慣刀  
驢兜墓猶在  
掩鼻過秋蒿

九谿道中二首

秋思正淒迷，千山入九谿。  
路危頻下馬，午過不聞雞。  
禿樹疑人立，荒禽作恠啼。  
孤烟生遠壘，隱隱動昏輦。

又

青雲萬疊山，山下水潺潺。  
詰屈路難出，崔嵬星可攀。  
勞哉千里驥，入此九谿蠻。  
坦坦中原地，長驅何日還。

茅花嶺

羣山絕頂茅花嶺，俯瞰蠻谿勢轉嚴。  
下馬幾經難冒險。

排雲直上最高尖  
茫茫白眼空人世  
靄靄青天作帽簷  
安得盡歸摩詰句  
滿囊携去未傷廉

野牛關

窮關過野牛  
舉目使人愁  
挂樹猿通臂  
傷人蛇兩頭  
青天一線影  
翠壁四時秋  
泱泱寒泉洞  
遙通江漢流

宿九谿安福所

青山官舍雨踈踈  
掃地焚香客到初  
秋意蕭條一年暮  
土風荒陋九夷居  
扶持病骨多將藥  
愛惜清宵祇讀書

金匱山房詩集 卷一  
忽憶故園兄弟樂不知萸菊近何如

大庸山中大霧

霏微山霧不成雨蔽翳朝陽如許陰初似半空橫一練  
恠來俄頃失千林逢人莫辨惟聞語飲酒雖多豈易禁  
身在瘴鄉須自遣未能開口祇沉吟

永定乘小艇東下

小艇下狂瀾征途暫解鞍清秋一夜雨亂石百重灘山  
向船頭合天如井底觀寒猿自啼伴羈思苦相干

登荊州城

城頭突兀仲宣樓城下長江日夜流吳蜀東西如指掌  
關河百二此襟喉從來用武英雄地不盡悲歌客子秋  
獨倚危欄還罷去龍山風日晚悠悠

熙春書屋為長垣王賦

書屋在羅  
含熙春園

江漢千年地風流一代豪身居王者貴心慕古人高  
畫棟充蚪蚪瓊窻禿兔毫真知為善樂不厭讀書勞  
種藥生朱草栽花吐碧桃春風動和煦秋意破蕭騷  
往事難

同調茲園固有遭倚闌時嘯咏與客共游翺聖瑞歌麟  
趾詞華覩鳳毛作詩傳盛事安得思如陶

幽蘭

幽蘭在空谷值此秋氣悲風霜不知惜蕭艾爭相欺空  
然蘊國香蕪沒弗見知所性良獨靜默默含貞姿客從  
遠方來塵眼驚見之欲佩不忍紉三臭徒嗟咨

百里荒

在夷陵西

荒山百里程險惡不堪行向使夢曾到應令鬼亦驚有

蹊皆虎跡無樹不猿聲草與人肩並雲隨馬足生千尋  
排壁暗一點遠空明不雨泥常淨多年木自傾履危時  
側足望遠獨含情安得吳剛斧崎嶇豁爾平

山行即事

山深少行跡猿鶴自為羣老樹封蒼蘚長藤挂白雲  
人烟寒不起日色午難分跋涉雖艱苦翛然遠世紛

巴夷

巴夷依洞險茶漆足營生不解通名字粗知聽使令狼

金文四庫全書  
卷一  
心終叵測鳥語自相驚未暇圖王會編詩記遠行

入施州雜咏六首

匹馬空山日易移  
裹糧篝火傍崖炊  
誰言野食無供帳  
鳥作笙簫樹作帷

好峯如削透林端  
面生雲翠作團圓  
安得池盆寬十畝  
貯來庭院倚欄干

如烟如霧暗空林  
濕不沾衣冷沁襟  
忽見斜陽一回望  
始知身下白雲岑

山頭日出山腰雨不到山頭不見晴上下青山一千里  
陰晴見慣未須驚

一派清冷數曲來青蒲白石淺瀾洄風光不落流觴手  
捧得芙蓉露幾杯

李白風流在夜郎涪翁繼至有輝光皇華忝我來今日  
漫把新詩和宋唐

曉發大田

曉色滿征衣行人在翠微不緣幽徑引真被亂山圍露

重林稍滴雲輕水面飛天涯知近遠但望夜郎歸

施州通天洞

洞門閒倚白雲開洞裏殘碑半綠苔奇絕自然超識界  
渺茫何處有蓬萊竅通天表窺何極泉去人間挽不回  
萬里停驂一迴醉試題青壁記曾來

晨霜

晨霜忽被野萬木含凍姿暉暉日初映策策風長吹昨  
來三日霧消散今何之雖云歷瘴鄉不復疑斯時玄冥

主冬令青女出以期百物庶有遂吾亦慰吾私陰陽異  
所用天心貴推移冰霜結春夏適足為癘疵至理諒斯  
在天人豈殊岐

巫峽

下峽初驚灩澦過壓船巫岫鬱嵯峨荒唐事往餘雲雨  
歟乃聲高出漩渦三蜀規模諸葛在百年感慨杜陵多  
酒醒日暮長安遠愁聽漁翁作楚歌

泊夷陵

金匱先生集卷一  
岸頭烟色暗寒蕪東下夷陵水似鋪出峽江聲城畔急  
傍巖漁火雨中孤秦灰未冷還興楚漢鼎難安可恨吳  
惆悵千年如昨日夜深閒坐攬吟鬚

聞戚世英發解

桂花消息月中傳遠客初聞喜欲顛鳴世文章真不忝  
橫秋鵬鶚任高騫朱陳況是曾同學韋杜從來不乏賢  
昨夜金門早朝夢分明聯佩五雲邊

過熊羆嶺

衡陽又過熊羆嶺，冀北誰傳鴻鴈書。  
廊闕心趨走地年，華回首別離初。  
梅橫野市春寒淺，竹映沙村夕照虛。  
十里浯溪天漸暝，磨崖碑畔暫躊躇。

永州道中

南岳南來五嶺連，黃茅望斷瘴雲邊。  
未知遊子歸何日，又見梅花送一年。  
行路雨晴多負笠，居人冬晚不衣綿。  
異蛇見說無人捕，官政于今可勝前。

次韻陳憲副歸田

人間宦海幾桑田，穩泛滄浪舊釣船。  
冠挂神羊餘正直，身將仙鶴去聯翩。  
李鷹感慨秋來早，元亮歸休醉欲眠。  
最是閒中多日月，相逢不敢問流年。

贈陳千戶致仕

少年投筆偉功成，頓悟邯鄲夢裏榮。  
何似伏波誇矍鑠，却教薏苡誤平生。

武岡道中

山翠重重踏不開，馬疲慵著短鞭催。  
侵尋卒歲詩全少，

邂逅逢梅首重回邊徼未妨持節去笑談曾擬折衝來  
每懷宦牒無優暇慚負芸窗舊卷堆

臘月二十五日立春途中作

涉世艱闕懶著鞭催人節物苦推遷冬歸不待一年盡  
春到仍爭五日先綵仗土牛何處擊青絲纖手若為傳  
陰崖窮谷還生意惟願東風攬化權

靖州守歲

今歲今宵更幾何梅花爆竹兩蹉跎百千萬事與時去

金匱要略卷一  
三十二年從此過公館無人燈燼落邊城達曙鼓聲多  
紛紛怕逐春來夢細淪香茶遣睡魔

戊辰元日靖州作

旅食南陲忽自驚光陰拋擲又新正五更初下瞻天拜  
三殿還思導駕行簫鼓人家春似海桃符門戶日初晴  
天時人事應同泰蹇拙何因答聖明

春日馬上口占

輕陰閣雨不成晴寒暖相持意未平馬上逢春難把玩

花邊著眼自分明爭教歸去能如鴈不覺蹉跎到聽鶯  
愧爾野人生計好緩鞭黃犢傍門耕

偏橋

匹馬偏橋路悠悠向夕曛水清窺底石山密踏層雲險  
地苗居半封疆楚已分數聲花畔鳥猶似故園聞

鎮遠道中

春愁無處避啼鵲風雨冥冥極漏天石齒齧人行不得  
馬蹄施鐵踏將穿遺苗出沒谿山險戍卒艱虞堡寨連

誰是于今趙充國可同樽俎說安邊

辰溪與劉侍御夜酌

萬里辰溪夕春杯且共揮  
巖拳初摘嫩木耳旋烹肥月  
射丹沙窟風迴白石磯如何  
不取醉明日杏花飛

竹裏

竹裏桃花間杏花青山深處  
野人家名場利路都無夢  
閒與東風領物華

漁父

漠漠春江細雨來江頭漁父唱歌回青林穿去無蹤迹  
生怕逢人肉眼猜

益陽羅大叅追餞留詩為別

馬蹄芳草不生塵十里橋亭一笑親稍稍落花春欲老  
悠悠浮世事還新樽前有酒仍高興林下如公羨古人  
日暮野航歸渡穩小孫扶上杖藜身

湘東即事

湘江春雨不曾晴江上農人作隊耕羸馬蕭蕭何事者

却來聽盡鷓鴣聲

湖上漫興

水際光風動林間積雨收湖平天共渺洲淺樹全浮世態妨青眼春愁妬黑頭偶然佳景會不恨未歸舟

詔獄聽李獻吉言夢

聽子清秋夢醒予久病懷逍遙何日是恍忽有天開背壁燈明滅巡簷柝往來浮生元可笑此際不須猜

詔獄聞蟬

積雨園扉晝不明，忽驚蟬響鬧新晴。  
無求似汝已難及，多事爲誰鳴不平。  
風露一枝何處好，乾坤餘暑幾時清。  
故園心事秋來劇，空愧浮名累此生。

詔獄次韻李獻吉觀雲生寫懷

澹澹長空雲晝生，白衣蒼狗忽縱橫。  
當窻伏枕不成睡，仰古俯今何限情。  
嚴瀨幾時吾浪迹，華山有地子逃名。  
潞河秋水藍於畫，會約仙舟早晚行。

詔獄和李獻吉題扇

山青不改色水流不改聲吁嗟寂寞鄉有此悠遠情蚊  
蚋萬起滅今古同薨薨何如林居子超然了平生

述懷五首

聖主寬恩放諫官路岐從此向平安迂踈自合山林老  
犬馬從知補報難千古有懷成孟浪一家堪慶是團圞  
北窻高卧吾生足懶問人間日幾竿

遭逢何以效涓埃直道終然與禍媒萬死形骸非我有  
再生日月是天開山中事業還書卷掌上經綸付酒杯

身在水雲心在國尚隨漁釣詠康哉

秋雨不斷天冥冥逐臣卧病幾時醒空慚去燕猶知社  
浪說剗龜為有靈生白久虛莊叟室草玄何意子雲亭  
雙溪風月平生地準擬相逢眼更青

萬古相尋一夢間掉頭林下了無關情懷舊雨同今雨  
蹤跡南山又北山簪紱已投誰束縛芰荷初製更寬閒  
赤松丹井依然在欲覓仙人問九還

久歎踈慵與世違扁舟今日是東歸烟霞合我私花柳

天地從人公是非萬事何心當象局一塵無路到漁磯  
山中故有蔽脩地前輩風流敢庶幾

雲津書院為劉掌教中和賦

大江西匯古龍洲洲上雲津何處求抱膝幾人曾偃蹇  
遺書萬卷足風流邦家霖雨尋常事嘉定文章三百秋  
宋嘉定間進士曾歷作記珍重雲初肯堂構藜光夜夜燭天浮

舟行

野曠晚風徐孤帆信所如賈生流涕後屈子卜居初天

地身差健詩書計未踈蕭然歲將暮松竹憶吾廬

河西阻風

河西一望時疊浪白差差野艇因風阻孤臣去國遲貧  
憐書卷在病想藥方奇兀坐篷窻月蕭條蘆鴈移

舟中戲述

高枕懶推篷暉暉隙日紅未分天早晏那辨岸西東風  
浪何為者乾坤阿堵中漁歌催我起擘蟹送郢筒

晚泊

長河凍鱗起斷岸晚舟維靜愛鴉棲定閒嘆月上遲固  
窮終省事多病始知醫短笛誰家子多情過我吹

枕上作

忽忽夢初覺沉沉夜未央孤砧晴搗月殘角冷吹霜酒  
醒相如渴詩成杜甫狂帝城驚漸遠所喜近江鄉

日暮

日暮北風狂捲沙乾坤落落泛吾槎猶餘習氣傾湖海  
未覺頭顱逼歲華腸到九回空自斷肱雖三折不須嗟

一簞粗糲終朝飽  
騰有青門百畝瓜

歸途得家兄書

千里書來日三江  
歲晏時開緘知別恨  
渴見數歸期不盡  
原鴿意虛煩塞馬疑  
水雲耕釣處從此得  
追隨

揚子江晚眺

問津到揚子眼界亦奇哉  
海月潮推上江天浪拍開  
山浮兩螺髻舟泛一蝦杯  
十載頻南北閒吟有此回

歸意

雲冷日光薄冬殘歸意忙過江隨釣艇見竹認山房鴈  
足書曾寄羊腸險亦嘗未須樓獨倚隨遇是行藏

即事

木落青山冷江空白日斜孤舟方去國萬里更携家宿  
火時溫酒敲冰自煮茶夏畦吾久病小笑索梅花

毘陵道中

澤國風光別殘冬天氣柔水平鳴漿滑山近捲簾幽得  
句呼兒寫開尊與婦酬青林挂紅日留我一停舟

江上漫興

江上寒梅香已浮，梅邊蒼竹意仍幽。  
獨將書畫米家物，來泛湖天范蠡舟。  
半世風波渾昨夢，明時出處豈私憂。  
故園兄弟新醅熟，擬及春盤共勸酬。

奉寄戚憲副先生

八十將登髮未華，近來強健更堪誇。  
春遊不拄鳩頭杖，夜坐猶烹蟹眼茶。  
林下相從知有日，客邊聞說喜無涯。  
郎君已解傳簪笏，看到曾玄事不賒。

戊辰冬至丹陽作

乾坤佳節客中臨感慨雖多喜亦深  
曉日已回南至景凍雲應散朔方陰  
五湖風月一杯酒雙闕烟霄萬里心  
添線光陰長幾許漫教閒裏課清吟

至後一日枕上作

冬至初交夜正長短篷岑寂此何鄉  
不眠苦被詩魔攪多病翻嫌酒思狂  
獨犬寥寥村隔水驚鴻渺渺月如霜  
經年不作趨朝夢擁被猶憐馬上忙



竹澗集卷一

欽定四庫全書

竹澗集卷二

明 潘希曾 撰

古今詩一百十六首

次韻寄項司訓聘之

故人過我竹間廬襟抱重開十載餘親老共榮毛義檄  
官清仍載鄴侯書瀟湘景好何妨遠鄒魯風回定不虛  
去矣一羶堪卧起等閒塵土莫驅車

送萬太守李崇致仕

秋色南來鴈影隨使君歸興浩難追  
離情且盡當筵酒  
世事徐看罷局棋  
召伯甘棠終戀戀  
寶家仙桂更奇奇  
清風千古西江水  
濯取長纓趣自知

同年章道充過訪奉贈

深山何意故人來  
石徑苔荒掃不開  
正憶看花曾竝轡  
休辭對菊且銜杯  
江湖未有忘憂地  
廊廟惟應濟世才  
一笑出門仍遠別  
暮雲翹首重徘徊

滌齋為陳掌教賦

千年心學託盤銘  
醉夢紛紛獨喚醒  
直與聖賢相啟沃  
了無塵土翳虛靈  
河濱洗耳風斯下  
澤畔彈冠事不經  
猶愧煩襟消未盡  
願因一滌試清泠

春日即事

林下光陰味轉長  
春來物我兩相忘  
烟波戲藻魚知暖  
花徑銜泥燕竊香  
白日一壺陶令醉  
青山雙屐阮孚狂  
荷鋤隣叟歸來晚  
見說農桑事漸忙

杖藜

夢破餘醒在杖藜  
臨曉風闌心春圃  
綠掃迹市塵紅聽  
鳥勝絲竹栽花亦  
事功未須論管樂  
祇合卧隆中

抱拙

抱拙從人笑投閒  
得自由學仙時叩  
齒延客誤科頭竹  
院藜牀晚芸窗茗  
椀秋濟時無上策  
聊共麴生謀

山窻

日色滿花枝山窻  
睡起遲髮經秋易  
脫身未老先衰可

是陶潛醉惟應鮑叔知  
閒中亦多事客至與圍棋

送郭大叅于漢致仕

江上秋風作曉寒  
扁舟款乃下重灘  
一千里外尊鱸興  
三十年來岳牧官  
去國尚嫌名太潔  
到家應喜夢初安  
論文未卜重逢日  
極目浮雲正渺漫

送趙太守叔鳴入覲

傾蓋無何又別筵  
行塵望斷似登仙  
九重日月三陽近  
萬里朝宗五馬先  
有喜天顏瞻咫尺  
無聊民瘼賴旬宣

江湖放浪仍迂拙擊壤遙陪祝萬年

山中六言二首

山日欲落未落梅花一枝兩枝悵望幽人不見碧溪流  
去多時

敗葉漫山不掃孤雲在岫方閒采藥仙人何處黃昏獨  
鶴飛還

次韻溫內翰民懷夜坐見寄

靜院隔塵境微涼生暮天寫懷詩俊逸投我意勤拳鶴

夢風驚覺花神月與傳想應箕踞處清極不成眠

再次前韻荅溫內翰

相逢話相別三載卧江天水果珍菱角山穀飽蕨拳字  
從携酒問詩懶向人傳長樂鐘初聽終宵欠穩眠

送陳生益之

京國相逢地秋風話別天携書富蝌蚪仗劔寶龍泉名  
久賢關著身初故里還慚吾一日長望子九霄騫海岱  
增奇氣風雲入壯年此行休草草得處勝師傳

陳節婦輓詞

同年應  
元忠母

芳名留死後苦節在生前不負共姜誓仍齊孟母賢人  
憐同穴計天與未亡年旌詔慇懃意綱常萬古傳

送鍾太守邦臣之廣州

十年粉署足清譽作郡初分海上墟風土最便鄉國近  
循良端使漢廷書荔支日暖熊車穩椰子風清燕寢虛  
庾嶺梅花春更早一枝消息定何如

送張都憲總制陝西

出入三朝位望崇又歌文武發元戎西師共仰韓招討  
回紇遙驚郭令公祖餞衣冠明曉日先驅旗纛起秋風  
九重宵旰蒼生意應賴全收不殺功

寒夜不寐

朔風無賴攪清眠敗壁殘燈共客邊雪色在窻天易曙  
更聲到枕夜如年重依鳳闕慚尸位乍別鱸鄉憶釣船  
幽夢不成魂欲斷無憑身世轉茫然

喜仲實兄轉龍溪教諭

十年江海廣文寒忽報龍溪漫轉官絳帳已專新講席  
青氈不改舊吟壇夢回好句憑誰寄別久幽懷稍自寬  
却幸星槎假良便一尊非晚話團圓

時予奉使將取道  
龍溪故先及之

送潘僉憲玉卿之山東

峨冠著豸帶生花攬轡都門意氣賒十載瓊林曾共宴  
兩州喬木本同家官聯烏府名方重路出牛山景更嘉  
見說潢池多竊弄洗塵甘雨喜隨車

次韻簡趙李二內翰

三年不入未央宮侍從誰期此日同仙島往還無弱水  
鵬程搏擊有剛風子昂筆陣千人廢太白騷壇一世雄  
閒掃藥欄須枉顧酒錢三百掛青銅

同館會分韻

相見釋褐初交情何歡洽論文玉堂夜聯鑣試春袷參  
商十載來餘韻不可押人生本無期世路多險狹詎意  
今日會盤羞間蔬甲秋菊馥當筵把玩笑相狎努力及  
良辰斗酒同一呷花枝枯復榮頭白堪再挿

良會今何夕秋風洒客衣  
翻疑別是夢不覺醉忘歸  
露下黃花瘦樽前紫蟹肥  
高歌無別調列炬有餘輝  
霄漢諸公在風波往事非  
亦知吾道拙敢與世情違  
歲月驚虛擲歡娛幸未稀  
金蘭存道義四海永相依

次李序菴退朝韻

天上樓臺五鳳攢回頭咫尺俯長安  
太平宇宙難為象歲晏冰霜苦不寒  
日過午門初放杖雲連甲第盡峨冠  
空談仁義何裨補慚愧重來舊諫官

次韻趙太史爾錫喜燈花見寄

蕭條空齋夜燈燼花葉燦故人忽詩來尺素寫強半取  
詩就燈窺讀之百憂散鏘然球玉鳴爛若盤珠轉緬懷  
瓊瑤報面目良有覩想當孤詠時焚香坐清宴深憂渺  
江湖信斷衡陽鴈兵戈久未息疇與當一面空抱濟世  
奇迴腸不成斷嘯歌自發舒託寓復冲淡旨哉非浪言  
三復吾不厭起舞唾壺缺顧影巾紗岸空囊獲至寶富  
貴俄可辦燈花信有徵錢財奚足願

除夕次李序菴韻

過眼流年又涉虛了知天地等蘧廬後來世事三春夢  
前此閒愁一夕除未靜風塵羞肉食忽驚梅柳憶山居  
燈前強和陽春曲醉拂雲箋任草書

遣悶

三十六年吾已過一百五日春又來柳稍烟雨綠於染  
馬首塵埃紅作堆上表未攄諸葛憤校書寧有子雲才  
悠悠如此亦何益空礙東風笑口開

次韻詠王侍御彥聲行臺松

蒼松帶老色偃蹇繁華天落日歌翠蓋踈風瀉清泉迥  
無塵俗累杳與雲氣連歲寒千載意魯論有遺編君家  
舊槐庭此樹宜光前

梁家莊阻風次韻荅湛內翰元明

小兒造化雖靡常陰晴變幻略相當順風千里忽一阻  
達觀不用回愁腸美人俟我河南渚青眼柰此黃塵妨  
須臾風定塵亦息凌雲萬里同翱翔

慶壽圖為郭處士賦

竹有高節梅有香歲寒之松鬱蒼蒼先生比德梅與竹  
先生致壽松俱長春風吹筵酒波綠畫圖輝映人如玉  
醉來飽嚼千年苓索笑梅花閑杖竹

福州控海樓尚市舶宴上作

萬里登臨一繫舟八閩形勝此危樓水通溟渤來重譯  
山入雲霄壯上游題句只疑南斗避倚欄還為夕陽留  
主人興劇誰能盡舉白頻勞向客浮

題鍾太守邦臣誥勅謄黃卷

家學一經在天香雙桂榮

父兄皆仕

誥鸞凡幾軸符虎又專

城炎海晴無瘴陽春政有成漢家循吏傳黃霸早馳名

廣州海珠寺

鉅海環山寺叢筠護石堤混涵天上下升墜日東西到  
恨浮槎晚歸疑去路迷萍蹤久漂泊愧爾定僧栖

廣州小金山

樂山何必高山高徒峻嶒樂水何必深水深或崩騰嶺

南小金山一水碧洄縈香火何代寺空階蝕潮痕地絕  
往來少林幽鳥弄音登眺凌虛空恍在楊子心還疑清  
淺流盈盈到蓬瀛

三洲巖

客遊過端溪心目曠烟水忽覩三洲巖巋然俯清泚  
艤舟往從之天風送高舉巖深洞口暗既入殊可喜玲瓏  
若神剏虛明自天啓石門陳廣樂雲液凝鍾乳安知神  
仙流羽化不自此玄鶴夕未歸落日空徙倚

梧州呂仙亭次韻酬薛僉憲子純

鬱鬱蒼梧山高高  
呂仙臺山川故無恙  
仙人去不回空  
餘千歲松根深  
茯苓埋當時鶴不見  
白雲書成堆故人  
拉我遊一笑萬里來  
茲辰屬歲暮瞻望徒徘徊  
宇宙難可窮人生亦勞哉  
謝君斗酒意臨風渺予懷

夜泊藤縣次韻酬湛內翰

泛舟蒼梧來又泊藤江口  
去國萬餘里遙夜瞻北斗  
冉冉歲月逝厥柄忽臨丑  
銀河注清淺經緯爛星宿  
低頭

聞無人圖書陳左右殘燈耿明滅爐烟細當牖正爾不  
能寐憂來欲皓首迢迢江湖心匪為行役久望眼不可  
極雲山互纏糾中道欲何依賴茲同心友珠玉時見投  
繆戾亦予咎駕馬逐驛驕竭力常恐後

潯州東津驛書感

沿回左江湄至止東津驛游子懷往事惻愴淚沾臆昔  
在景泰中蠻獠禍孔棘我祖憲府英提兵此駐節疆場  
賴敕寧蛇豕就俘馘王事誠辛勤營星隕中夕去今六

十載相傳猶仰德嗟予小弱孫寡昧何所識王命使南  
交幸茲弔遺迹天涯歲云暮寒風吹獨立

橫州道中見日光識喜

蒼梧南來一千里扁舟牽挽窮山水蠻烟瘴雨動浹旬  
長晝冥冥無午已僕夫泥塗蓑作衣青蕉裹飯不療飢  
蕭條行李潤生醲寂寞炊竈寒無輝愁予兀坐蓬窻下  
忽覩陽光射雲罅千林生色嵐霧開須臾變幻疑昏夜  
人言此方風土乖冬雨苦久晴頗佳乍晴不堪還乍熱

鬱蒸癘氣生陰厓我望青天再下拜太陽高照元無外  
萇爾遐荒特可憐覆盆何礙乾坤大

橫州馬伏波祠

烏蠻灘上伏波祠萬里南來酹一卮蕙蒨不妨成貝錦  
功名終許勒宗彝雲連草樹疑精爽地雜華夷仰護持  
屈指雲臺舊時將幾人廟食尚天涯

獨卧

獨卧蓬窻晚滄浪聞嘯歌窮年行路遠歸夢入春多綠

樹蠻村合紅霞瘴雨過相忘祇鷗鳥汎汎共烟波

除日永淳道中得風

扁舟江上久沿洄十幅蒲帆頃刻開除日并將孤悶去  
好風先向隔年來分香夜泊梅花岸帶暖時傾栢葉杯  
早晚咨諏王事畢五雲回首即蓬萊

癸酉元日

自涉名途十二年年年元日不同天九重日馭三回侍  
萬里星輶兩度旋哀苦嘗勞烏借力艱危僅脫虎垂涎

逆瑾悠悠往事成春夢  
謾把今春付醉眠之害

新年作

歲事屬更始東風扇微和  
郊原萋動色桃李艷已花  
游子行萬里睠之感慨多  
感慨故有懷簡書可奈何  
尺素託雙鯉淪沒愁長波  
肅肅隨陽鴈遲子同爾徂

凌山驛次湛內翰韻四首

陰雨忽開霽江雲散曉霞  
日升林影動一徑見山家  
嘉樹晴光艷澄江春水深  
漁翁坐曬網顧婦作蠶音

風日春來好江村鵲衆芳簷暄嬉婦子隴夕下牛羊  
南裔行將盡荒村僅自存蕭條村裏驛日午不開門

人日

新歲易為感遐荒獨自行雨晴人日好天遠使星明望  
闕輕陰轉思鄉芳草生無情江上鴈肅肅背予征

病中遣懷

經旬抱微瘵悶悶向天涯夜雨長汀草春風開野花無  
功終屏藥有夢只還家漫學長生術朝來嚙日華

南寧太平之間巖石奇絕累日玩之不厭

兩涯迴石壁悅玩竟忘疲混沌何人鑿玲瓏一世奇  
疊疊象物隱隱畫藏詩絕頂雲昏處惟應仙鶴知

龍州仙巖次湛內翰韻

烟霞靄平野孤巖敞幽扉仙人此脫屣千載鶴不歸而  
我萬里來矯首空遐思東風散微雨古木泛斜暉賓主  
聊盡歡一尊本無期

宿布村

泥塗日已夕草閣雨猶寒  
美睡方知倦羈栖自鮮歡  
泉聲迴澗底花氣藹林端  
往路還何許沉沉夜欲闌

出鎮南關

關外即  
安南境

崔嵬分茅嶺鎮南扼雄關  
持節始入交山路何鬱盤  
喬林映前旌鳴騶歷層巒  
綸命自天下恩光回日南  
道路盡膜拜冠帶爭駿奔  
語言雖假譯文物亦可觀  
貌茲溟海壖聲教古所漸

次安南坡壘驛

萬里安南第一程停驂此日快新晴  
喧林鼓吹晨分隊耀野旌旗夜宿兵  
土俗衣冠猶自異春風草木有餘榮  
乾坤覆載何遐邇正北紅雲是玉京

北峨歌

北峨驛前江水流百折直到蒼梧州  
蒼梧去海幾千里江水朝宗勢未已  
桃花昨夜飄小紅大海浮去春風同  
不憚驛曉枕

鳥啼山館曙睡思共春濃香裊沉檀細花明錦繡重簡

書仍往路歲月只孤蹤稍稍荒烟外崎嶇又幾峰

卜隣驛

交地褊小往往迂其路以示險

卜隣之驛誰與隣荒山四面徒嶙峋白雲當簷來往頻  
長藤古木相依因蕭條谿谷少人民時有翠鳥啼青春  
我嘗御風遍八垠徒步北斗趨紫宸回頭一瞬隘九真  
蹊徑詰曲難具陳華風漸染何時淳

僕山道中次湛內翰韻四首

看花難得早春同花好休教盡意紅我欲回時重見面

恐因爛漫易隨風

不知春色幾多深是處青山鳥弄音我亦有懷難了了  
天涯相伴作微吟

空谷來鳴何處騶前驅旗鼓逝如流盤旋盡日無村郭  
一笑真成汗漫遊

綠楊沿路綵旗垂春日悠悠何所之忽覩好山雲外起  
欲凌絕頂自題詩

丕禮道中

我行丕禮墟交路將過半田疇稍連絡山勢亦平緩竹  
樹交遠村鷄鳴烟火晏士女作隊遊語笑不可辨維時  
王正月桃李已零亂好風自東來流鶯道邊囀天地信  
廣大茲遊未知倦人間多桃源亦復不常見

壽昌河

初辭壽昌驛復渡壽昌河岸靜連蒼竹潮平漫綠波墟  
人喧鳥語海舶起漁歌行盡天涯路春風亦自和

發市橋驛

細雨青林暗市橋  
五更燈火促星輶  
紫泥擎出天恩重  
赤土分來海國遙  
正朔不殊堯日致  
封疆何用漢時標  
午風披拂輕陰散  
春色還同喜氣饒

發呂瑰驛至王國

山郭自為國江春不作寒  
百蠻奔海嶠雙鳳下雲端  
封建昭周禮威儀盛漢官  
停驂聊信宿歸計又長安

次韻荅安南國王兼辭其贐

皇家聲教古無前  
此日春風動海天  
龍節遠輝南斗外

鳥星長拱北辰邊  
藩垣義在思分土  
獻納才踈愧濟川  
臨別何須重金幣  
贈言餘意憶他年

回渡富良江二首

江本不闊而操舟者  
循岸沿洄以示險

富良江頭風日晴  
王子乘春送客行  
一棹中流歌未畢  
隔江花柳已相迎

江北江南從此辭  
江波潏潏似來時  
春風送客無南北  
帶得鶯聲過水涯

回至呂瑰再次王韻辭其贐

久依香案玉皇前手捧綸音下九天不用索金酬使越  
須知封土在安邊周爰歸去風生袖長揖分離思滿川  
從此相望無遠邇謳歌同荅太平年

次韻酬安南國王餞別之作

萬里觀風百越春瘴烟消盡物華新車書不異成周制  
飛躍元同大造仁稍自滄溟輸海錯永依朱鳥奠炎神  
畏天事大無窮意裁入新詩寄我頻

即事二首

平疇水漫綠成行  
正月交人已插秧  
記得中原舊遊處  
雪消晴隴麥初長

無雪元知麥不宜  
家家餅餌秣為之  
前村日暮菜花發  
錯望黃雲傍短籬

回次坡壘示伴送陪臣

竭來辭交州忽復至坡壘  
咫尺見南關春色不類始香  
風老松花繁陰變桃李不問舊路迷  
所嗟歲月駛歸鴻  
雖北徂萬里方自此依依南枝鳥為爾憐毛羽

南交紀事

往返南交道東風決二旬諏詢雖未廣風土亦堪陳漢

將標銅地堯官致日辰鄙夷甘異習凋謝盡遺民

百年來中

原遺黎盡矣

祝髮無男女加冠別縉紳

髮稍覆額被頸惟使中國者乃長髮

黑

牙喧鳥雀

多啖檳榔齒黑如墨惟孩提不爾

赤脚走荆榛

男女皆跣惟有官者有履

席地多盤膝操舟悉裸身野栖茅覆屋露積竹為囷斷

雪無年麥分秧及早春檳榔生咀嚼橘柚雜芳辛蕉實

黃初熟椰漿白頗醇珍奇難得象躔度易占鶉沉水來

猶遠生金出豈頻盛陳兵肅肅絕少馬駢蛇虺當筵  
舞螺蝦入鼎珍稍依瀕海利難與大方倫文亦同王制  
主仍析帝臣方言時假譚職貢歲常親自適飛潛性相  
忘覆載仁我歌聊誌異何日盡還淳

次韻答張東所廷實

出塵心迹了無纓三十年來四海名詩酒對時聊爾爾  
行藏於世只平平春風偶下賢人榻南國空慚使者旌  
牡蠣門牆菊花徑白雲深鎖不勝情

讀宋茂名尹潘公家傳

公名惟賢宋亡不屈而死長子斗輔死焉少子

梅憲潛遁

以存祀

元運方興宋祚危正是桑田滄海時從容一死酬君父  
辛苦餘生為本支殷室有仁堪並駕史家無傳合題詩  
等閒成敗都陳迹惟有芳名百世垂

送高掌教之贛州

幾年吾婺賴儀刑化雨平分贛水汀毛義宦情勞捧檄  
韋賢家學慣傳經故山榕葉歸時見官舍灘聲靜裏聽

君路漸南予漸北飛鴻消息愈冥冥

送高掌科頴之冊封便道焚黃

五月官河雨乍通星槎東下更乘風周家典禮藩封盛  
漢國河山帶礪同衣錦曾看過故里焚黃仍得報先公  
秋來好是旌歸日青瑣封題待納忠

送令尹施天瑞之南靖

柳陌塵銷暑雨殘故人騎馬出長安三場舊識凌雲氣  
百里今為應宿官丹荔黃柑知地勝天涯民力賴君寬

元方若見憑傳語侍從年來愧素餐

時家兄亦官闕中

即席次徐正郎庭實韻

思君咄咄困愁城笑語重逢僕欲更歲月有痕惟短髮  
乾坤無用是虛名故園水竹三生夢上國煙花萬里情  
自是同心堪細酌坐沉槐月聽鴉鳴

送丁司訓器之赴建平

幾年場屋擅才名教鐸初持向建平燕市濁醪談舊雨  
路河文鷁泛新晴通家有分垂三世遊宦無端隔兩京

珍重青氈携去好講壇高擁六經橫

八月十四夜西涯閣老園亭看月奉次限韻二

首

此月難同恨往年樹頭今夕喜將圓風流不是尋常地  
露坐分明尺五天共愛蟾光浮酒筭還教鶴影舞花筵  
夜闌更覺明宵近秋色催人醉帽偏

此回情景勝常年樹杪清光望欲圓風掠暮雲沉碧海  
露含涼氣洗青天共求妙句傳他日還許高歌徹四筵

夜漏未央狂未已秋來幽事我能偏

十五夜戲效八音體疊前韻二首

金氣行秋年復年石亭秋半月還圓  
絲傳律呂風迴壑竹逗清寒露滿天  
匏爵不辭歌既醉土鼓隨意秧初筵  
革更叵柰光陰速木影中宵幸不偏

金波洗眼送流年石假山頭鏡影圓  
絲鬢暗驚行樂地竹簾高捲未雲天  
匏成濩落堪豪飲土不塵埃合肆筵  
革鼓皤皤宮漏杳木犀花底興方偏

送吳御醫晦叔致仕

一入都門三十年，秋風歸興忽翻然。  
久供尚藥回天睠，賸有良方與世傳。  
白髮光陰閒後好，青山杖屨醉來便。  
門前漱水深如許，流澤應同橘井泉。

林節婦輓詞

員外文  
續母

天地無窮恨，何年返藁砧。  
遺腹事鐵石，到頭心持此堪生。  
死留名亘古今，表門貞節字愧殺白頭吟。

送胡司訓之河澗

金  
卷二  
故家文獻素相聞上國秋風喜見君捧檄忽驚千里去  
傳經不負一生勤祖筵漫對黃花雨離思遙牽碧樹雲  
莫厭寒氈淹歲月棟梁棟桷是奇勲

大興隆寺齋居次韻簡何中含仲默

古寺來春夕溶溶月滿亭忽聞歌白雪獨坐歎晨星蠟  
炬生花赤沉烟作縷青故人妨促席腸斷暮雲停

宿神樂觀次前韻

不到仙家久清虛尚此亭十年渾昨日一宿又明星醒

眼當誰白寒松比舊青出門塵境別勒馬幾回停

早春次韻荅李內翰序菴

吹面東風漸可迎春來天氣快新晴欣欣柳色如相得  
脉脉河流亦有情登眺我猶妨阮屐校讎君不讓韓檠  
久同禁署非淪滯歲月令人重友生

次韻李宮允夢弼二首

春色今年稍較遲賞心猶自託深期綠情紅意無消息  
漫和陽春一闋詞

兩日東風作意吹柳梢黃淺綠回遲踈慵頗怯紅塵陌  
羸馬探春獨不疲

追輓王正郎先生

洛下風流憶昔賢接簪當路正青年賢勞舊著司徒績  
退隱新登太史編化去迹陳猿鶴怨讀殘書在子孫傳  
千年嵩嶽收靈氣洒淚徒勞弔九泉

追輓王憲副先生

擬賦招魂欲斷腸曾於髫髻挹威光乘驄尚憶同先子

附驥偏憐得李方

其弟拱之子  
同年進士

翰苑才名元獨步栢臺

風度更流芳高墳宿草年華去悵望空慚一瓣香

次韻詠徐秋官廳事槐栢二首

西曹清景屬槐堂酒興詩情取次償  
細蘂綴黃臨短檻  
新梢抽綠過東牆  
午陰謾喜先秋桂  
春色何妨後野棠  
日永風清官事了  
羨君揮麈據胡床

天喬滿目孰嗤妍  
偃蹇寒姿特可憐  
空谷移根天自別  
古堂分影地逾偏  
終於晚節知君子  
不向春風競少年

賸與詩家添好興四時蒼翠鎖雲烟

贈陳司訓潔之浦江

人物從來說浦陽斯文未喪有書香年來後學多狂簡  
事在先生為主張寶婺夜晴風月好龍門春靜薜蘿長  
絕憐官舍隣予舍千里因君話故鄉

盆荷次韻李宮兄二首

坐困炎蒸百事慵對花猶覺野情濃亭亭不盡凌波意  
淡淡初回暈酒容眼底西湖非幻景尊前泰華有奇峯

綠漪清淺香風細  
愛護仍愁急雨春

賞心吟事病來慵  
尚愛荷香一味濃  
翠蓋偶傾如故好  
紅粧微笑為誰容  
出塵已絕三千界  
過雨空疑十二峯  
更謝主人能好客  
留連不覺醉高春

壽司空陝西李公

關西自昔盛賢豪  
晚節如公一世高  
八座勲名垂竹帛  
七旬風月老林臯  
眠雲華嶽仙為侶  
屑玉藍田露作膏  
笑看斑斕環膝下  
年年介壽進春醪

次韻李宮允賞蓮四首

騷壇意氣許同袍  
百戰如公一世豪  
花畔相攜容易醉  
又知公瑾本醇醪

納涼深院憐荷靜  
共折荷筒當酒杯  
十二闌干明月轉  
酒酣花睡兩忘猜

酒傍菱荷香自別  
肉兼絲竹調還高  
晚來暑退堪行樂  
坐待銀河洗髮毛

碧荷凝露夜涼新  
命酒催詩第幾巡  
痛飲狂歌花事了

我猶忘我豈知人

望雲圖為張掌科季升題

東華塵土紅作堆生綃咫尺青山開山頭秋氣洗天碧  
惟有白雲閒往來臨風引領者誰子思親梁公無乃似  
諫議平生忠孝心依稀寫出丹青裏

送張主政用載之南京

秋風送新涼垂楊蔭官道載酒城東門話別何草草嗟  
君璫璆資特達知名早觀光上國春奏賦長楊曉俄承

金匱要略卷二  
公府檄獨理金陵棹周官重空土經濟據遠抱燕山何  
迢遙江流殊浩渺南北不可期使我懷憂悄願言崇令  
德永以慰交好

贈王處士

幽人家住西湖曲曉集芙蓉夕餐菊湖光山色怡心神  
七十康強面如玉一朝乘興汗漫遊遍歷齊魯窮燕幽  
素衣不慣緇塵浣片帆歸去天風秋

寄贈鍾處士

富川雲水草堂深想見先生抱膝吟獻玉未明和氏泣  
絕絃誰識伯牙心漁舟小泛沿荷浦書卷閒開傍竹陰  
搔首日高猶散髮更無魂夢到朝簪

送童貳守栗卿之姑蘇

十年萍梗事堪嗟猶喜相逢鬢未華  
州縣豈宜清廟器詩書元自大方家  
黃花暫醉離亭晚鴻鴈同征去路賒  
回首吳江楓落夜詩成須向故人誇

送杜司訓世良之豐縣

豐沛英雄入穀來春風桃李待栽培千金久負屠龍藝  
一笑重經戲馬臺雲暗楚天鴻鴈香酒酣燕市菊花開  
分攜話及鄉邦事二十年前首重回

次韻張亞卿寓懷見寄

抱瘵秋欲暮閒居寡朋儔當軒理朱絃聊以寫我憂明  
月忽在袂好風如相求神交有形外曲終不待酬輪蹄  
紛九遠役役無時休誰能謝來往頗厭紅塵浮藹藹籬  
下菊氣味何芳柔采之遺所思庶為遐齡謀

次韻荅李序菴

搔首流年萬事新  
交游贏得故情真  
未論車馬來今雨  
直許金蘭到古人  
邀月酒杯頻入夜  
傍花棋局不沾塵  
多君滿腹琅玕在  
閭闔終須次第陳

閭老石淙楊公司空鶴山李公都憲東臯王公  
為同年之會予以年家子與席奉次石淙公  
韻二首

台星瑞世累朝來  
鼎立春風壽域開  
宿德已為天下老

流芳還擬歲寒梅題名三百元同榜入會兒孫幾舉杯  
樂事也知須盡興踈簾遲日任西頽

四海通家有自來登堂今日綺筵開試看當鼎調和手  
都是先春馥郁梅盛世喜成嘉會禮後生叨進旅酬杯  
三山並峙真堪範竟日酣歌玉不頽

竹澗集卷二